


太上說南斗六司延壽度人妙經



太上說南斗六司延壽度人妙經如法

延壽益算天尊

爾時老君告天師曰此經乃九天八會之  
真文三洞三清之上道

元始天尊昔經曆于七億萬劫天地始終  
人倫生死五運遷變萬彙興衰而

天尊於今猶宴居景雲之上上清之境  
脩煉至真敷揚妙道愍念群生大慈不  
捨吾昔傳付是經今當授之於汝汝  
宜選奉道之士謹脩行之人天陽地陰  
一合而生成兩耀行度五緯周天是謂  
七政則七星九元北斗也每以杓隨月

建分指節氣二十四氣二十八舍應下  
土七十二候三十六禽舍中有斗宿六  
星是則號南斗六司與北斗七政分職  
共理三才六合八卦九宮總轄中外百  
群官品乃紫微太微兩極都曹也上  
係十二分次天真聖神下統十二分野

地祇主者四瀆五嶽九州八紘名山大  
川城隍社廟中及人民群類萬物無不  
計係其簿籍掌握世人善惡矣北斗  
位處坎宮名同月曜降神於人名之  
為魄也主司陰府宰御御水源將濟生  
聚功莫大焉南斗位處離宮名同日

曜降神於人名之爲魂也主司陽宮  
宰御火帝將濟勳用德莫大焉洎有  
天地迄至于今二司兩極同共陶鑄  
萬物注擬天人之爵秩增減士庶之  
祿俸延促年齡去留災福莫不由其  
與奪也所以然者乃知陽日陰月南

使一知善男善女不以高卑皆應志  
心常當恭敬若或時覩日曜月曜南  
斗北斗則重叩頭請乞祐護願賜  
恩福上言呼稱至聖至酬真宰真  
君矜哀凡冗赦宥過咎即再拜不  
得懷於輕慢反招殃累

此二司魁斗魁罡受性水火稟質陰  
陽助天地而育物體道德而垂光物  
得而豐也非此而孰能乎人得而生  
也非此而孰爲乎是故

天尊啟動嗟憫觀再含靈一如赤  
子闡教救護令保生性其救護法



老君曰再等男女能依吾所授奉教  
而行若有所告請欲消災度厄增福延  
年保家屬之團圓祝封疆之寧謐或  
欲免息塚訟削死注生皆當上章  
投詞設醮求請無不如意也再時  
老君為天師重宣言

南斗火官除毒害 北斗水神滅凶災  
一切所求皆稱遂 萬狀帶悶悉通開  
能依經法冥心懃 隨願必當契靈臺  
凡在有情常頂禮 禍厄無因輒敢來  
老君曰神真之妙 凡世難言元未愚  
昧貴遠賤近者身也 目見日月星斗

耳聞風雷韶雅鼻嗅蘭麝腥臊舌了  
甘辛酸苦宜言語至於手執足行自  
生及老皆不可離佳雖水火今凡夫見之  
若不見聞其言如甚贖殊不知成立  
生性皆是天地日月星斗與之假如四  
大正慈一氣生生之生全繫水火水火於

十

道之真體故不可暫離可離而獲存者  
非物人吾今叮嚀與在世男女說此要  
道普令發心求請醮獻知有神真信  
吾教示更能於四時日八節十二氣  
三元三會五臘本命是諸良時吉日皆  
可上章泮表投詞獻款請乞息福懺

罪消災然燈獻果供養禮拜其福無量也

南斗第一天 府司命上相鎮國真君

南斗第二天 相司錄上相鎮歲真君

南斗第三天 梁延壽保命真君

南斗第四天 同益箕保生真君

南斗第五天 樞度厄文昌鍊魂真君

南斗第六天機上生監簿大理真君  
如是六星真君六星童子火鈴將軍凡人  
轉誦此經切須至誠虔心禱祝無不應  
驗唯在<sup>精</sup>勤拜表上章真聖自降必獲  
延年長生道性  
老君曰此六司真神性急速能傾心

來請無願不從神真感人心隨事皆理  
也夫萬行之本一身之根在乎道氣保  
固形命形命保固在乎教法教法存乎  
科儀之細審聲發響應形動影隨形  
從心移發足動步神靈微妙也南斗  
北斗陶魂鑄魄魂既受鍊乃遷轉生人

能依吾教法謝已往之非補將來之短  
洗滌衆災拜迎百福唯在嚴潔崇敬整  
志投誠必獲度世之德共日月之同年  
若有深信之士能設倍兩極二斗同醮一壇  
名像斗星立壇柱列香燈鋪排淨菜  
供獻果食果食可糖餅油餅荷蒸乳



煎茶湯細茶不須酒脯此最為要道  
以斯迎請神真真聖歡喜降臨速得  
賜其福祐

老君曰演此真妙經竟正一天師與  
弟子王長座前再拜禮謝謹奉  
道旨廣傳行

太上說南斗六司延壽度人妙經終

延壽益算天尊

南斗太聖號斗星 週天星主統星宗

稽首南辰消災厄 天師回死註生功

持誦真人但擁護 本命星君降吉祥

虔誠稱讚號斗星 凶星惡煞永消滅



道

光

甲

午

年

念

日

許

縈



芳

祿



護形

養器



此三出遊之日

正月 廿五 廿六

四月 十一 廿五

七月 初四 廿四

十月 初一 初九

二月 初三

五月 初五 十一

八月 初九 十一 廿七

十一月 初六 廿六

方 ○

九月 初

十二月 初二